

Augsburg, 27. September 1580

An Theodor Zwinger

UB Basel, Fr. Gr. I 11, fol. 359r (nicht eigenhändig bis auf die Unterschrift).

D. D. Th[eodoro] Zwingero etc.

S. Episcopius noster significat, se omnia Epicteti opera Graecè latineque imprimendi esse cupidum. Sed quia et Simplicij Commentarij Graeci nobis desunt, et Arrianus Basileae parum accuratè est editus: monuit me ut ab excellentia tua consilium atque auxilium peterem. Id porrò huiusmodi est. Oporino et Simplicium et Arrianum Venetijs impressos et accuratè à me correctos, sicut et Demosthenem et Aeschinem et alias lucubrationes meas remisi. Ea exempla puto eum successoribus suis vendidisse.¹ A quibus si Epictetum, Simplicium et Arrianum gratia et autoritate tua impetratos, Episcopio nostro tradideris: et nos priuatim, et publicè homines studiosos singulari tibi beneficio obstrinxeris. Laborauit etiam de Epicteti Epistolis, quae cum Simplicij commentarijs Florentiae extare dicebantur. Sed uideo me amicorum pollicitationibus esse deceptum. Quod ut et alia aequi bonique facio, parum terrenam hanc vitam curans, sed urgente valetudine breui expectans meliorem. Vale. Augustae Vindelicorum
27 Septembbris Anno Domini 1580.

Hiero[nymus] Wolfius
Tuus.

¹Von Schreiberhand am Rand ergänzt: Gemuseus hodie mihi nunciandum curauit, se horum librorum nullum unquam accepisse. Itaque aut alibi inveniendi sunt aut Simplicio Graeco carebimus.